



15
1907
6

輟耕錄卷第九

文章宗旨

盧諒齋先生文章宗旨云。大凡作詩須用三千百篇與離騷言不關於世教。義不存在於比興。詩亦徒作。夫詩發乎情。止乎禮義。關雎樂而不淫哀而不傷斯得性情之正。古人於此觀風焉賦者古詩之流也。前極宏後之規。後歸簡約之制。故班固二都之賦冠絕千古。前極鋪張鉅麗。故後必稱典謨訓誥之作。終焉厥後十數作者倣而倣之。蓋詩人之賦必麗。以則也。古今文章太家數甚不多見。六經不可尚矣。戰國之文反覆。

善辨。孟朝之條暢。莊周之奇偉。屈原之清深。爲大家。
西漢之文渾厚典雅。賈誼之俊健。司馬之雄放。爲大
家。三國之文孔明之二表。建安諸子之數書而已。西
晉之文淵明歸去來辭。李令伯陳情表。王逸少蘭亭
叙而已。唐之文韓之雅健。柳之刻削。爲大家。夫孰不
知然。古文亦有數。漢文司馬相如揚雄名教罪人。其
文古。唐文韓外元次山近古。樊宗師作爲苦澁。張古
宋文章家尤多老歐之雅粹。老蘇之蒼勁。長蘇之神
俊。而古作甚不多見。蓋清廟茅屋謂之古。朱門太廈
謂之華屋。可謂之古不可。太羹玄酒謂之古。八珍謂

乏美味。可謂之古不可。知此者可與言古文之妙矣。
夫古文以辨而不華。廣而不俚。高無排句。無陳言。
無贅辭。夫記者所以紀日月之遠近。工費之多寡。主
佐之姓名。叙事。如書史法。尚書顧命是也。叙事之後。
略作議論。以結之。然不可多。蓋記者以備不忘也。夫
叙者。次序其語。前之說勿施於後。後之說勿施於前。
其語次第。不可顛倒。故次序其語。曰叙。尚書叙。毛詩
序。古今作序。大格樣。書序首言。畫卦書契之始。次言
漢興求書之事。諱序首言。六義之始。次言變風變雅
皇墳帝典三代之書。及夫子定書之由。又次言秦亡

之作又次。言。南王化之自碑文。惟韓公最高。每碑行文言道。人人殊面目。首尾決不再行。蹈襲。神碑。揭於外。行文稍可知詳。埋文曠記。最宜謹嚴。鎔字從金。一字不泥用。善爲文者宜如古詩雅頌之作。行實之作。當取其人平生忠孝太節。其餘小善寸長書法。宜畧爲人立傳之法。亦然跋。取古詩狠跋其胡之義。犯前則躡其胡。跋語不可多。多則冗。尾語宜峻峭。以其不可復加之意。說則出自已意。橫說豎說。其文詳瞻。抑揚無所不可。如韓公師說是也。真公編次古文。自西漢而下。他並不錄。迄唐。惟尊韓公。因記柳公游西

山六記而已。古文之難。豈其然乎。

麻荅把曆

耶律文正王於星曆筮十雜算內。算音律儒釋異國之書。無不通究。嘗言。西域曆五星密於中國。乃作麻荅。把曆。蓋回鶻曆名也。

續演雅發揮

白湛淵先生續演雅十詩發揮云。海青羽中虎。燕燕能制之。小隙沉木舟。關尹不告。欺者海青。俊禽也。而群燕緣撲之。即墜。物受於所制者。無小大也。右草食押不蘆。雖死元不死。未見滌腸。人先聞棄簣。子者漠北

有名押不虞食其汁立死然以他藥解之即蘇華佗洗腸胃攻疾疑先服此也右誰令珠玉唾出彼藜藿腸仁人不爲寶良賈宜深藏者和林有尼能吐珠玉雜寶也三嬰啼聞木枝羝乳見茅茹何如百年身反爾無根據者漠北種羊角能產羊其大如兔食之肥美嬰啼木枝見山海經所載右西狩獲白麟至死意不枉代北有角端能通諸國語者角端北地異獸也能人言其高如浮圖五纔脫海鶴啄已登万物興仰面勿啾啾我長非儕如者小人長僅七寸夫婦一枚形體畢具也六羯尾大如斛堅車載不起此以不掉

滅彼以不掉死者西漢有羯尾大於身之半非車載尾不可行也右八珍般龍鳳此出龍鳳外荔枝配汗桃徒誇有風味者謂迤北八珍也所謂八珍則醍醐麅沆沆野駝蹄鹿唇駝乳糜夫鵝炙紫玉漿玄玉漿也玄玉漿即馬妳子右灤人薪巨松章山八百里世無奚超勇惆悵度易水者取松燒於灤陽即今上都去上都二百里即古松林千里其大十圍居人薪之將八百里也右兩駝待雪立終日飢不起一覺沙日黃肉屏那足擬者沙漠雪盛命兩駝趺其旁終夜不動用斷梗架片氈其上而寢處於下煖勝肉屏且不起

心兵也

面花子

本婦人面飾用花子起自唐昭容上官氏所製以掩穫迹太曆已前士大夫妻多妬悍婢妾小不如意輒印面故有月黠錢黠事見酉陽雜俎

奇疾

今上之長公主之駙馬剛哈刺咱慶王因塗駕得一奇疾兩眼黑睛俱無而舌出至脣諸醫固知所措廣惠司卿聶只兒乃也里可溫人也嘗識此證遂剪去之頃間復生三舌亦剪之又於真舌兩側各去一指許

鑿者隸焉

磨兜鞬

襄州穀城縣城門外道傍石人缺剥腹上有字云磨兜鞬慎勿言是亦金人之流也距縣四五十里有石人二相偶而立腹上題刻二云已及二云未臨不可得而詳也

浮休閑日集

葛大哥

吾鄉臨海章安鎮有蔡木匠者丁夕手持斧斤自外歸道由東山東山衆所殯葬之處蔡沉醉中將謂抵家

捫其棺曰是我也。榻也。寢其上。夜半酒醒。天且昏黑。不可前。未免坐以待。忽聞一人高叫。棺中應云。喚我。何事。彼云。某家女病。損證。蓋其後園葛太哥淫之耳。却請法師捉鬼。我與你同行。一觀如何。棺中云。我有客至。不可去。蔡明白詣。主人曰。娘子之疾我能愈之。主人驚喜許以厚謝。因問屋後曾種葛否。曰然。蔡徧地翻掘。內得一根甚巨。斫之。且有血煮啖。女子病即除。

萬柳堂

京師城外萬柳堂亦丁宴游處也。野雲廉公一日於中

置酒招疏齋盧公松雪趙公同飲時歌兒劉氏名解語花者左手折荷花右手執盃歌小聖樂云綠葉陰濃徧池亭水閣偏趁涼多海榴初綻朵朵蹙紅羅乳燕稚鶯弄語對高柳鳴蟬相和驟雨過似瓊珠亂撒打遍新荷人生百年有幾念良辰美景休放虛過富貧前定何用苦張羅命友邀賓宴賞飲芳醑淺斟低歌且酩酊從教一輪來往如梭既而行酒趙公喜即席賦詩曰萬柳堂前數畝池平鋪雲錦蓋漣漪主人自有滄洲趣遊女仍歌白雪詞手把荷花來勸酒步隨芳草去尋詩誰知只尺京城外便有無窮萬里思

此詩集中無小聖樂乃小石調曲元遺山先生好問所製而名姬多歌之俗以爲驟雨打新荷者是也

樹鳴

金石草木之變異雜見於傳記數年來天下擾攘恆事尤其信前人之書不誣也至正丙申浙西諸郡皆有兵正月嘉興楓涇鎮戴君實門首柳樹若牛鳴者三主人與僕從悉聞之斬其樹不一月苗軍抄掠貨產又兩月屋燬于兵是歲寒食日海鹽州趙初心率子姓輩請先壇汎瑞松楸忽聞如老鶴作聲戛戛不絕審聽所在乃是一柏樹頃間衆樹同聲和之丁丁時

左止舉家惶惑至八月苗軍火其居明年六月紅軍掠貨財婦女而姪善如死於難予親見君實館賓黃伯成與初心之孫元衡說元衡善姪子也其事雖遲速不同而二家之遭禍則一吁誠異哉

松江官號

至正丙申正月常熟州陷松江府印造官號給散吏兵佩帶以防姦僞號之製作畫爲圓圈繞圈皆火燄圈之內二府字以府印印府字上圈之外四角府官花押民間謠曰滿城都是火府官四散躲城裏無一人紅軍府上坐少一月城破悉如所言

割執

杭州赤山之陰曰簫箕泉黃大癡所嘗結廬處其徒弟沈生狎近側一女道姑同門有欲白之於師沈懼引厨刀自割其執幾死衆救得活而瘡口流血經月餘不合偶問諸閨奴教以燶所割執搗粉酒服如其言不數日而愈

題屏謝客

三寶柱字廷珪色白人頗以才學知名雖湛於酒色而能練達吏事剛正有守爲浙省郎中日大書四句於門屏之上曰逆刮蛟龍鱗順捋虎豹尾若將二伎論

尤比于人易其意蓋以杜絕人之求請耳然亦隘矣哉終不顯達而死于難

婚啓

至光間平原郡公趙氏與芮宋福王也其子娶全竹齋少保之女婚啓內一聯云休光薊北苟安公位之居回首江南惟重母家之念儘有味

陶母碑

陶侃母得古正之道發人倫之本將示教於天下謂村散俗壞樂潰禮闈有子不教不至於道若失太訓不可登於偉望乃求師傳延英茂終日迫予用不欲予

郤客俄而車蓋載止餼饋並竭苟失其人子將不進
計畫始成確然獨斷謂髮可棄訓不可失乃金刀既
止黷髮雲散怡然無咨嗟之色儼若待賓之具上恐
不足以顯恭下未可謂訓子顧其毋激忿填膺寸晷
是學不迨于至以超聖人之域愼乎賢者之業且禮
信仁義君子之事婦人何得而知蓋世道大喪其俗
已亂故婦人賢者得以行其事于古之下厥行獨明
當時爲人之父爲人之母覩斯行聞斯舉得不激厲
乎苟天下皆如陶母之志則天下皆陶之子也蓋人
謂子幼而蒙穉不致精訓致悖大道亂入紀良可惜

哉銘曰髮也者爲養之具寢也者致教之英苟非異
禮孰能作世之程于載之下如陶之母安可繼乎齊
英宗儀因讀唐皇甫持正先生湜文集見陶母碑不
覺淚數行下追惟先妣拳拳於教子真有陶母之志
是故今翰林承旨婉菴張先生翥所譏墓銘有白夫
家貧劬力紡績以給諸子無廢學之辭自顧不肖不
克勤于學以成吟名罪莫大焉謹錄于此庶亦可以
自懼也

許文懿先生

婺州許白雲先生謙字益之隱居金華山四十年不入

城府著書立言足以垂教後世浙東廉使王公繼學
訪先生於山中謂先生清氣逼人可畏旣退明白出
學行薦于朝有錄其舉文至者先生方講說目不一
少視其無意於仕宦如此先生歿追謚文懿先生

謠言

後至元丁丑夏六月民間謠言朝廷將采童男女以授
韃靼爲奴婢且俾父母護送抵直北交割故自中原
至于江之南府縣村落凡品官庶人家但有男女年
十二三以上便爲婚嫁六禮既無片言即合至於巨
室有不待車輿親迎輒徒步以往者蓋惴惴焉惟恐

使命戾止不可逃也雖守土官吏與夫韃靼色自之
人亦如之竟莫能曉經十餘日纔息自後有貴賤貧
富長幼妍醜匹配之不齊者各生悔怨或失棄其妻
或妻憎其夫或訟于官或死于天此亦天下之大變
從古未之聞也吳中僧祖伯號子庭者素稱滑稽口
古絕句曰一封丹詔未爲真三杯淡酒便成親夜來
明月樓頭望惟有姮娥不嫁人又有久集古句云翡翠
屏風燭影深良宵一刻直千金共君今夜不須眠
明日池塘是綠陰可謂深於命意者矣

獸醫

世以療馬者曰獸醫。療牛者曰牛醫。周禮天官冢宰篇獸醫下士八人注獸牛馬之屬。按此則療牛者亦當曰獸醫矣。

想肉

天下兵甲方殷而淮右之軍嗜食人以小兒爲上婦女次之。男子又次之。或使坐兩缸間外逼以火。或於鐵架上生炙。或縛其手足先用沸湯澆激却以竹帚刷去苦皮。或乘夾袋中入巨鍋活煮。或剗作事件而淹乏。或男子則止斷其雙腿。婦女則特剗其兩乳。酷毒萬狀不可真言。總名曰想肉。以爲食之而使人想之。

食人肉

也此與唐初朱粲以人爲糧置搗磨寨謂啖醉人如食糟豚者無異固在所不足論。唐張鷺朝野僉載云武后時杭州臨安尉薛震好食人肉有積主及奴詣臨安止於客舍飲之醉並殺之水銀和煎并骨銷盡後又欲食其婦婦知之踰牆而遯以告縣令令詣之具得其情。申州錄事奏奉勅杖一百而死。段成式酉陽雜俎云李廓在潁州獲火光賊七人前後殺人必食其肉獄具廓問食肉之故其首言某受教於巨盜說云唐張茂昭爲節鎮頻與人肉及除統軍到京班

中有人問曰聞尚書在鎮好入肉虛實笑曰人肉腥而且膾爭堪矣五代史云葛從簡家世屠牛從簡仕至左金吾衛上將軍嘗歷河陽忠武武寧諸鎮好食人肉所至多潛捕民間小兒以食之趙思綰好食人肝及長安城中食盡取婦女幼稚爲軍糧每犒軍輒屠數百人三國志云吳將高灤好使酒嗜殺人而飲其血日暮必於宅前後掠行人而食之宋莊季裕雞肋編云自靖康丙午歲金狄亂華盜賊官兵以至居民更互相食全軀暴以爲腊登州范溫率忠義之人泛海到錢塘有持至行在猶食者老瘦男子庾詞謂

之饑把火婦人少艾者名之不羹羹小兒呼爲和骨爛又通自爲兩脚羊趙與時賓退錄云本朝王繼勲孝明皇后母弟太祖時屢以罪貶後以右監門衛率府副率分司西京殘暴愈甚強市民間子女以備給使小不如意即殺而食之太宗即位會有訴者斬于洛陽又知欽州林千之坐食人肉削籍隸海南嗟夫食人之肉人亦食其肉此兵革間之流慘耳君子所不願聞者其薛震輩當天下宴安之日而又身爲顯宦豈無珍羞美膳足以厭其口腹顧乃喜啖人肉是雖不類而無人性者矣終至於誅斬竄逐而後已天

之報施不亦宜乎

王眉叟

王眉叟，壽延號溪月，杭州人。出家爲道士，受知晉邸。後以弘文輔道粹德真人管領郡之開元宮，浙江省都事劉君時中致者海內名士也。旣卒，貧無以爲葬，躬往弔哭，周其遺孤，舉其柩葬於德清縣與已之壽亢相近。春秋祭掃不怠，然此事行之於異教中尤不易得。

錢唐

錢唐丁字其來甚遠。按史記始皇本紀至雲夢，浮江下舟陽，至錢唐臨浙江上會，積立石刻頌秦德，西漢地

理志亦有錢唐縣。今唐字從土則誤矣。蓋以錢易土及捐錢築塘等事皆傳會之辭，自注世說者已然，况後世乎？

漱芳亭

道士張伯雨，號句曲外史，又號貞居。嘗從王溪月真人入京，初燕地未有梅花。吳間宗師全節時爲嗣師，旣從江南移至護以穹廬扁曰漱芳亭。伯雨偶造其所，恍若與西湖故人遇，徘徊旣久，不覺熟寢于中。真人終日不見伯雨，深以爲憂。意其出外迷失，衛道也。夢覺日已暮矣，歸道所由。嗣師笑曰：「伯雨素有詩

名宜作詩以贖過伯雨遂賦長詩有風沙不憚五千
里將身跳入仙人壺之句嗣師大喜送翰林集賢嘗
所往來者袁學士伯長謝博士敬德馬御史伯庸吳
助教養浩虞脩譏伯生和之他日伯雨往謁謝諸公
惟虞先生全不言儒者事只問道家典故雖答之或
不能詳未問能作幾家符篆曰不能先生曰某試書
乏以質是否連書七十一家伯雨汗流浹背輒下拜
曰真吾師也自是託交甚契故與先生書必稱弟子
焉伯雨杭州人

食品有名

水之鹹淡相交處產河豚河豚魚類也無鱗頰常怒氣
滿腹形殊弗雅然味極佳煮治不精則能殺人所以
東坡先生在資善堂與人談河豚之美云據其味真
是消得下死浙西惟江陰人尤珍之每春首初出時
必用羞祭品畢然後作羹而鄰里間互相餽送以爲
禮腹中之脾曰西施乳夫西施丁美婦也豈乳亦異
於人耶顧千載而下乃使入道之不置如此則未差
極紅者似之故也二物象形而云又非西施乳之比
海杭州之海寧人皆喜食蟛蜞蟹名曰鸚哥嘴以有

矣按類編魚部引博雅云鯀鯔盈之鮓也背青腹白觸物即怒其肝殺人正今人名爲河豚者也然則豚當爲鮓

火灾

至正辛巳暮春之初江浙行省平章政事只理毛台入城之在之日衣紅兒童謠曰火殃來矣至四月十九日杭州災燬官民房屋公廨寺觀一萬五千七百五十五間燒死七十四人明年壬午四月一日又災尤甚於先自昔所未有也數百年浩繁之地日就凋弊實基於此

落水蘭亭

予嘗見落水蘭亭一卷乃五字不損本今吳中分湖墾氏所藏而趙彞齋之物也彞齋宋宗室子諱孟堅字子固彞齋其自號居嘉興之廣成酷嗜古法書名畫能作墨花於水仙尤長此帖姜白石舊藏後歸書川俞壽翁彞齋復從壽翁易得喜甚乘夜回櫂至昇山太風覆舟行李皆渰溺無餘彞齋立淺水中手持此帖示人曰蘭亭在此餘不足不吾意也因題八字于巷云性命可輕至寶是保

陰府辯詞

李子昭者松江府提控案牘李宗慶子也側室刁氏有
姪妻怒之筆撻苦楚晝夜不息數次自經與溺以省
覺不得死竊自念曰我苦就摩亦必死耳等死何自
求早死之爲幸因多食海蟻與冷水胎既落血上充
心而身遂亡不數日鬼惟百出妻得奇疾宛若死者
但只心曾微溫支體不僵其家就床褥作三竅任其
便溺時以少飲納口中輒咽不與亦不言飢經三年
餘形骸枯槁無復生理家人益厭之一夕忽詣舅姑
所扣寢室戶舅姑曰汝惡得至此必爲鬼矣曰妾以
復生實非鬼也願見舅姑具告所然舅姑驚恐呼家

人悉起取火燭之果此病軀及覩其臥榻已空始信
之因問其詳曰妾爲亡婢訴冤攝至陰府即今獄祠
也命妾與婢對詞妾以汝懷孕時打罵則或有之然
未嘗令汝吞藥損墮婢仇執甚堅妾不得白遂招承
枷禁幽圄中日得小叔以餅餌粥飯之類相餽故不
餓今復得送妾還入門弄其兒戲撻之下兒哭遂
推妾置竈上即若夢覺者但覺怠倦故勉強至此舅
姑曰汝旣被禁何自得釋曰會上帝有赦故也急呼
小郎妻問之曰適間兒子驚啼云夢見乃父擊其首
小郎蓋提控之次子泰甫先爲其妹夫金可大所殺

者此婦至今強健與夫見寓府城西郭又復生兩子矣志怪古或多然漫畫于此以爲世之妬婦勸

詩法

趙魏公云作詩用虛字殊不佳中兩聯填滿方好出處纔使唐已下事便不古

姓名者

伯夷叔齊

莊綽雞肋編云太史公作伯夷傳但云伯夷叔齊孤竹君之二字也而論語音註引春秋少陽篇謂伯夷姓墨名允一名元字公信叔齊名智字公達夷齊謚也陸德明取之不知少陽篇何人所著今世猶有此書

否吾衍間居錄云孤竹君姓墨眉音名台怡音初見孔叢子注中子名伯遼見周曇詠史詩注伯當作仲若如吾說則伯夷叔齊似名又是名非謚矣

女諫買印

淮海龔翠巖先生開寓吳門日一僧權道衡者頗聰慧識道理先生與之遊偶市肆鬻漢印一顆權嘗酬價歸取鎰先生適見主人以寶告遂用十五緡買之語諸女女曰太人乃亦奪人所好先生驚悟即持送權曰先生愛而收藏奚以贈曰在彼猶在此也權固辭曰在彼猶在此也相讓久之沉諸淵而別吁若先生

者可謂善矣孰謂異端中有此哉然先生之女尤可敬也

吳江塔顛箭

吳江華嚴寺浮圖之顛望之一失著其上幹羽宛然可辨相傳宋南渡初金人粘罕乘快一發而中又賈似道出督時祝矢自誓亦中焉故留題者有至今塔杪留遺跡猶是元戎金僕姑之句太德庚子其寺主僧善信大修浮圖更其顛而新之視向二矢實圓鐵條二交貫橫且蓋必昔人以示輔顛且以防鶴鵠之巢故耳傳者所謂大妄也且著此以祛後世之惑長樂

郭德基嘗有華嚴塔顛辨疑行於時蓋郭嘗官此州目擊其非

素領

項後白髮曰素領漢馮唐白首爲郎官素髮垂領

輟耕錄卷第九

卷之九

輟耕錄卷第十

卷之十

輟耕錄卷第十

御史五常

周景遠先生馳名，能文。爲南臺御史時，分治過浙江省。每
日與朋友往復，其書吏不樂似有舉刺之意。大書擘
上曰：御史某日訪某人，某日某人來訪御史。忽見呼
謂曰：我嘗又訪某人，汝乃失記，何也？第補書之。因復
謂曰：人之所以讀書爲士君子者，正欲爲五常主張。
也。使我今日謝絕，故舊是爲御史而無常寧，不爲
御史，不可滅人理。吏報服而退。

官倉入粟

今官府收歛秋糧之際比先涓吉啓倉於青龍方教房入粟六石六斗六升六合以應官蓋國家初無定制不知各處何以一皆如此予意必取土下四方六合之意耳

食物相反

凡食河豚者一日內不可服湯藥恐內有荆芥蓋與此物大相反亦惡烏頭附子之屬予在江陰時親見二儒者因此喪命其子尤不可食能使人脹死嘗水寢試之經宿顆大如芥實世傳虫其毒者亟飲穢物乃解否則必亡又聞不必用此以龍腦浸水或至寶丹

或橄欖皆可解後得一方用槐花微炒過與乾燕支各等分同搗粉水調灌大妙

先輩諧謔

趙魏公刻私印曰水晶宮道人錢唐周草窓先生密以瑪瑙寺行者屬比之魏公遂不用此印後見先生同郡崔進之藥肆懸下牌曰養生主藥室乃以敢死軍醫人對之進之亦不復設此牌魏公語人曰吾今日爲水晶宮吐氣矣先輩雖諧謔自是可喜

馬判

馮公士啓夢弼嘗言爲八番雲南宣慰司令史日嘗因

公差抵一站日已莫矣。站吏告曰：「今夜馬判上岸。」麻線湏暫停驛程以避之間。其故閉目，搖手不敢言。公怒便上駕行數十里至天溪。忽見二十物如星，所謂烏刺赤者下駕跪泣若告訴狀。呼問何爲亦閉目。搖手弗答。於是下駕祝之曰：「某許昌人，竊祿來此，荷天命合盡爾。」其啖之否則容我行。祝畢即轉入溪中。腥風臭霧觸人口鼻，既而各上駕比轡抵前站。站吏驚曰：「是何麻線太膽若是耶？」公問此爲何物，始敢言曰：「馬蠅精也。」麻線方言曰：「官人烏刺赤，站之牧駕者。」公官至禮部尚書。

字訓

善字訓多字詩載馳女子善懷鄭箋善猶多也漢書岸善崩善亦多也

丘真人

太宗師長春真人姓丘氏名處機字通密號長春子。登州棲霞縣濱都里人也。祖父業農世稱善門。金皇統戊辰正月十九日生生而聰敏有目者想之曰：「此子當爲神仙。」宗伯太定丙戌年十九辭親居崑崙山。依道者脩真。丁亥謁重陽全真開化王真君嘉於海寧。請爲弟子。戊申召見闕下隨還終南山貞祐乙亥太

祖平燕城，金主奔汴。丙子復召，不起。己卯居萊州時，魯齊入宋，宋遣使來召，亦不起。是年五月，太祖自乃蠻國遣近侍劉仲祿持二手詔致聘，十一月至隱所。詔文云：制曰：天厭中原，驕華太極之性。朕居北野，嗜慾莫生之情。反朴還淳，去奢從儉，每一衣一食與牛。豎馬圉共弊，同饗視民如赤子。養士若兄弟，謀素和恩，素畜練萬衆，以身人之先臨百陣。無忘義之後，七載之中成太業。六合之內爲一統，非朕之行有德，蓋金之政無相是以受天之佑。獲承至尊，南連趙宋，北接回紇，東夏西夷悉稱臣佐。念我單于國千載百世。

以來未之有也。然而任太守重治平，猶懼有闕。且夫剗舟剗楫，將欲濟江河也。聘賢選佐，將以安天下也。朕踐祚已來，勤心庶政，而三九之位未覓其人。訪聞丘師先生體質履規，博物洽聞，探幽窮理，道中德著。懷古君子之肅風，抱真人之雅操，又棲巖谷，藏身隱形，闡祖宗之遺化，坐致有道之士。雲集仙逕，莫可稱數。自干戈而後，伏知先生猶隱山東，舊境朕心仰懷無已。豈不聞渭水同車，茅廬三顧之事？奈何山川懸澗，有失躬迎之禮？朕但避位側身，齋戒沐浴，選差近侍官劉仲祿備輕騎素車，不遠千里，謹邀先生暫

屈仙步不以沙漠悠遠爲念或以憂民當世之務或
以恤朕保身之術朕親侍仙座欽惟先生將該睡之
餘但授一言斯可矣今者聊發朕之微意萬一明於
詔章誠望先生旣著大道之端要善無不應亦豈違
衆生之願哉故茲詔示惟宜知悉五月初一日筆庚
辰正月北行二月至燕欲候駕回朝謁仲祿令從官
曷刺馳奏真人進表陳情表曰登州棲霞縣志道丘
處機近奉宣旨遠召不才海上居民心皆恍惚處機
自念謀生太拙學道無成辛苦萬端老而不死名雖
播於諸國道不知於衆人內顧自傷衷情誰測前者

南京及宋國屢召不從今者龍庭一呼即至何也伏
聞皇帝天賜勇智今古絕倫道協威靈華夷率服是
故便欲投山竄海不忍相違且當冒雪衝霜圖其一
見蓋聞車駕只在桓撫之北及到燕京聽得車駕遙
遠不知其幾千里風塵湧洞天氣蒼黃老弱不堪切
恐中途不能到得假之皇帝所則軍國之事非已所
能道德之心令人戒欲悉爲難事遂與宣差劉仲祿
商議不若且在燕京德興府等處盤桓住坐先令人
前去奏知其劉仲祿不從故不免自納奏帖念處機
肯來歸命遠冒風霜伏望皇帝早下寬大之詔詳其

可否兼同時四人出家三人得道惟處機虛得其名顏色樵額形容枯槁伏望聖裁龍兒年三月日奏十月曷刺回復奉勅旨曰成吉思皇帝勅真人丘師省所奏應召而來者具悉惟師道踰三子德重多方命臣奉厥玄纁馳傳訪諸滄海時與願適天不以違兩朝屢召而弗行單使一邀而肯起謂朕天啓所以身歸不辭暴露於風霜自願跋涉於沙磧書章來上喜慰何言軍國之事非朕所期道德之心誠云可尚朕以彼酋不遜我伐用張單旅試臨邊陲底定來從去背實力率之故然久逸暫勞真心服而後已於是載

揚威德畧駐車徒重念雲軒旣發於蓬萊鶴馭可遊於天竺達磨東邁元印法以傳心老氏西行或化胡而成道顧川途之雖澗瞻亢杖以非遙爰答衆章可明朕意秋暑師比平安好旨不多及十四日辛巳十一月至邪迷思干城壬午三月過鐵門關四月達行在所時上在雪山之陽舍館定入見上勞曰他國徵聘皆不應今遠踰萬里而來朕甚嘉焉賜坐就食設二帳於御幄之東以居之約日問道以回紇叛親征不果至九月設庭燎虛前席延問至道真人太略荅以節慾保躬天道好生惡殺治向無爲清淨之理上

說命左史書諸策，癸未乞東還，賜號神仙爵。太宗師掌營天下，道教甲申三月至燕，八月奉旨居太極宮。丁亥五月特改太極爲長春，七月九日留頌而逝。年八十至元己巳月，詔贈五祖七真徽號，而曰長春演道主教真人已上見。蟠溪集、鳴道集、西游記、風雲慶會錄、七真年譜等書。初真人自行在歸道由宣德日，一富家新居落成，禮致下顧，將冀工言以爲福。既入其室，默然無語，輒以所持鐵拄杖於窓戶牆壁上，頗毀數處而出。主人再拜，希解悟，曰：「爾屋完矣，美矣！」完而必毀，理執然也。吾不爾毀爾，將無以圖厥終？今

毀矣，爾宜思其毀而欲完，克保全之。則爾與爾子子孫孫庶幾歌斯哭斯永，終弗替。主人說服，吁！真人真知道哉！

南池龜

宋李城信州掘土處爲濠，百畝許，在郡南曰南池。池之旁可居，舊爲里人屋，歸附後，達魯花赤滅徹據有其地，每春夏之交，群蠶聒耳，寢食不安。會二十八代天師張廣微與材朝京回，因以告天師朱書符篆新瓦上，使人投池中戒之，曰：「汝蠶毋再喧，自是至今寂然。」

鴈子

漢書太液池中鳧鴈字布滿克積用鴈子甚佳王維

詩蘆筍穿荷葉菱花骨鴉兒又新

趁辦官錢

浙江省廣濟庫歲差杭城謹實戶若干名充役庫子以同
出納比一家中侵用官錢太多無可爲償府判王某
素號殘忍乃拘其妻妾子女于官又無可爲計則命
小舟載之求食於西湖以貲納官鬼妾鬼馬不肖輩
群趨焉鮮于伯幾先生樞作湖邊曲云湖邊蕩槳誰
家女綠慘紅愁羞不語低回忍淚傍郎船貪得船頭
強歌舞玉壺美酒不須憂魚腹熊蹯棄如土陽臺夢

短匆匆去鴛鎖生寒愁日暮安得義士擲千金遂令
桑濮歌行路後王之子孫有爲媚者天之報施一何
捷也

鼎作牛鳴

義興王子明家饒於財所藏三代彝鼎六朝以來法書
名畫寶冠浙右每年必祈于籤於烈帝廟以上休咎
一歲籤詞有白開溝鑿井當得古鼎殊不以爲意家
人以商賈至汴夾谷郎中者藏三商彝絕精妙示之
曰恐爾主翁未必有此物也歸以白即遺齋金購得
之比舊藏皆不能及至正壬辰寇起斬黃將由義興

取道犯浙西，子明鑿其所藏鑿深窖以埋之，葬亦在
剗既入窖作牛鳴者七夜頗可怪取出寄田家其窖
後遭發掘獨此彞獲存。

鑿糟

俗語以不潔爲鑿糟。按霍去病傳鑿皋蘭下注以世俗
謂盡死殺人爲鑿糟。然義雖不同却有所出。

越民考

邁里古思字善卿，西夏人，僑居松江，家貧授徒以養母。
性至孝，然落落不羈，善諧謔，名人士多與之遊。至正
甲午進士及第，授紹興路錄事司達魯花赤，比親篆。

天下雲擾所在悉瘡痍，君撫字周至，民愛之如父母。
乙未秋杭破，遙即克復。浙省左丞楊完者以本部苗
將持露布至，統洞蠻甚衆，意實覘視，虛實又將流毒
於我民也。縱虐恣暴，民皆束手惴惴不敢與爭，無故
刦府架閣照磨陳修家妻妾幾被污，君激怒填膺，指
揮吏兵收之，郡民讙呼從事，苗遂盡死。後完者聞越
民結義且固，終不敢調兵渡浙江，方集慶陷時，江南
行臺官流避抵慶，元奉旨置治所於越，遂檄君總統
義民護城池，君更募得勇悍者二千餘人，以果毅二字爲號，曰果毅軍，練習武事，分撥守要害，乃日與常

所往來者擊鮮飫醕酣咏咷嘯以爲娛樂雖戶外上官至不少延納永康寇起據有縣境君收復朝廷旌其功除江南浙西道廉訪司知事未上又除江東建康道經歷浙江省丞相塔失帖木兒便宜除行樞密院判官君即自署諸參謀爲幕官曰經歷曰都事者不可枚舉時御史大夫拜住哥任情禍吏爲爪牙又自統軍三千曰臺軍紀律不嚴民橫被擾害有訴於君君輒抑之衆軍皆怨怒然拜委瓊璽惟以鈞距致財爲務君不禮之或以諫君曰吾知上有君下有民耳安問其他拜頗聞銜之遂與臺軍元帥列占永

安張某萬戶闔塔思不花王哈刺帖木兒等謀殺之未得間戊戌十月廿二日首事出兵踰曹娥江與平章方國珍部下萬戶馮某鬪既不利駐軍東關單騎馳歸拜意決矣廿三日遲明召君私第議事入至申門左右以鐵槌搘殺之初甚祕守閹軍自相謂無已殺總督官我輩幸也民始有聞之者走白君部將浙東僉元帥黃中諸參謀聞變奔避不顧至有墜城以出行四五十里者初夜二鼓中提軍入城屯戒珠山拜未及知中臥病方飲藥得少汗尚昏潰困頓左右扶翼擐甲上馬遇臺軍於江橋鬪十數合破陣陷堅

身當矢石。郡民老幼皆號泣。曰殺我總督官。我尚何生。爲壯者助中軍殊死戰。臺軍一敗塗地。屠其二營。入拜家姬侍奴隸死者相枕藉。一女爲隊官陳某所掠。舉君屍無元大索。三日得于溺池中。拜與二子匿梵宇幽隱處。民搜見之。齊唾其面。且罵曰。瞎賊。我總督官何罪。而令致於此耶。不自殺。執以歸中冀。中殺乏中解其縛。率諸軍羅拜之。曰。總督官忠肝義膽。照映天地。人神所共知。公信任僥邪。使國家之柱石隕于無臺。我之復讐明太義也。殺我主將者既已斬之。公幸毋罪。拜執中以泣。曰。我之罪尚何言。尚何言。繼

而軍民爲君持服。爲社以祭。私謚曰越民考。越六日。拜自効納印綬。去其印。是夜遺失。中以白金百兩購得於一卒。以還行臺者。君未死。先三日。有星大如梧。梔。紅光燭天。墜鎮粵門。化爲石。及君出師。識者已卜君之有死兆矣。至寢果驗云。

南村野史曰。兵凶器也。戰逆德也。聖人不得已而用。乏故。吾夫子必以臨事而懼。好謀而成。荅子路行三軍之間。夫邁車古思受。往之初。殊有古賢縣令之風。一握兵柄。志滿意得。醉觴廢事。輕謀首亂。不旋踵。而身首異處。蓋亦平昔越已之過。有以釀成此禍。與微

申則老母稚子亦皆几上之肉耳原其忠君愛民之心炳然與日星相昭明者則無可議也拜住爲國大臣坐鎮四省百官庶司孰不聽令邁之不奉臺檄擅興師旅明問其罪黜之可也斬之可也而乃陰結小醜作爲此態是盜殺之非公論矣民心之所以不服良以是也噫享有尊爵重祿而當國步艱難之日既不思消埃補報之道又不責自己貪饕之非反以謀害忠良爲先務謂之無罪得乎故其妻妾子女遭罹戮辱實自取之尚復可憐哉

三姑六婆

三姑者尼姑道姑卦姑也六婆者牙婆媒婆師婆虔婆藥婆穩婆也蓋與二刑不害同也人家有一于此而不致姦盜者幾希矣若能謹而遠之如避蛇蠍庶乎淨宅之法

不中用

不中用不可用也左傳成二年邵子曰克於先大夫無能爲役杜預注不中爲之役使

國字

杜清碧先生本字伯原有所編五聲韻自太小篆分隸真草以至於外蕃書及國朝蒙古新字靡不收錄題

曰華夏同音至正壬午中書奏修三史以翰林待制聘先生起至武林辭疾不行盤桓久之浙江省平章康里子山公夔夔時來訪一日語及聲律之學因問國字何以用可俟此喉音也字爲首先生曰正如嬰兒初墮地時作此一聲乃得天地之全氣也平章甚說服

水畜

陶朱公養魚經曰夫治生之法有五水畜第一水畜魚也此二字亦奇

纏足

張邦基墨莊漫錄云婦人之纏足起於近世前世書傳皆無所見南史齊東昏侯爲潘貴妃鑿盆爲蓮花以帖地金妃行其上曰此步步生蓮花然亦不言其弓小也如古樂府玉臺新咏皆六朝詞人纏艷之言類多體狀美人容色之姝麗及言妝飾之華眉目唇口要支手指之類無二十言稱纏足者如唐之杜牧之李白李商隱之輩作詩多言閨幃之事亦無及之者韓偓香奩集有咏襯子詩云六寸膚圓光緻緻唐尺短以今校之亦自小也而不言其弓惟道山新聞云李後主宮嬪寶娘纏麗善舞後主作金蓮高六尺飾以

寶物細帶纓絡蓮中作品种色瑞蓮金宵娘以帛繞脚令織小屈上作新月狀素韞舞雲中回旋有凌雲之態唐鎬詩曰蓮中花更好雲裏月長新因宵娘作也由是人皆效之以織弓爲妙以此知札脚自五代以來方爲之如熙寧元豐以前人猶爲者少近年則人人相效以不爲者爲耻也

溺水不躍

漳州龍溪縣澳里人陳端才之妻蔡氏三玉後至元間本處寇起掠其里里嫗集里中婦女同舟避難寇追及三玉亟以水漬衣冠視三玉有姿色欲先汙之三

玉給曰衣濕更求衣間寇取衣投水死寇曰溺者必躍以長竿絡鈎俟其躍而舉之屍竟不躍寇退三玉之父端廣舟次上流屍遂逆流附父舟押之不去移舟遡河而上屍從之上者三父異甚視則其女也夫三玉一婦人耳寧死不辱出於天性宜其貞爽不昧如此

鎖陽

韃靼田地野馬或與蛟龍交遺精入地父之發起如筭上豐下儉鱗甲櫛比筋脉連絡其形絶類男陰名曰鎖陽即肉從容之類或謂卑婦之淫者就合之一得

陰氣勃然怒長土人掘取洗滌去皮薄切曬乾以充藥貨功力百倍於從容也

輶吝謫二卦

淮南潘子素純嘗作輶卦譏世之仕宦人以榮祿滑稽而得顯爵者雖曰資三時之謔浪調笑不爲無補於名教卦辭曰輶亨可小事亦可大事彖曰輶亨天地輶而四時行日月輶而晝夜明上下輶而萬事成輶之時義大矣哉象曰地上有朱輶君子以容身固位初六輶出門無咎象曰出門便輶又何咎也六二傳于錢轉象曰傳于錢轉天下可行也六三君子終日

輶輶厲無咎象曰終日輶輶雖危無咎也九四模稜吉象曰模稜之吉以隨時也六五神輶象曰六五神輶老於事也上六或錫之高爵天下榔榆之象曰以輶受爵亦不足敬也此篇或者又謂自宋宋即有非潘所造未審是否後平江蔡宗魯衛作吝卦爻配之曰吝亨利居閒不利有所爲彖曰吝鄙嗇也利居閒無所求也不利有所爲恐致禍也初六居富吝於周急悔亡無攸利象曰吝於周急不恤其貧也悔亡無攸利已終有望也六二蠱婦言至吝不養其親不恤其崇貞凶象曰蠱婦言昵於私也不養其親忘大恩

也不恤其弟失大義也雖養弗時亦致災也故貞凶九三極吝吝其財不吝其身於行非宜象曰吝其財斯致富也不吝其身乃輕生也六四太客君子吉小人凶象曰吝於君子雖有言無尤也吝於小人雖不有言終有悔也六五不吝於色務所欲終以死亡凶明來吝於酒食弗克歡無咎象曰不吝於色惑於淫也務所欲樂其順從也終以死亡凶可知也明來從其類也吝於酒食誠大謬也雖弗克歡而無咎也小九居其家不吝於内吝於教學弗吉象曰居其家安自尊也不吝於内畏寡妻也吝於教學終無所成

也近扶風馬文璧琬又作謫卦曰謫貞亨初吉終凶利見小人不利于君子彖曰貞正也亨通也通乎正言謫或庶幾也終凶謫不由初也利見小人猶同類也不利於君子入於邪也象曰麗口掉舌謫君子以求名王祿初九謫于同朋無咎象曰同朋于謫又譙咎也九二略施于民吉象曰九二之吉以新衆聽也六三來其謫酒食用享象曰來其謫民取則也享其酒食以崇功也九四饋言如簧以娛彼心用獲南金象曰娛人獲金不足道也九五君子終日高謫王用徵安車以迎終歲弗寧後有凶象曰以謫受徵不羞

也終歲弗寧祇足煩勞也後有凶不副實也上六莽謫不宅四方欲殺之象曰莽謫衆怒殺之何過也右三卦切中時病真得風刺之正因併錄之

烏賊戶

廣東采珠之人懸網于腰沉入海中良久得珠振其網船上人挈出之葬于鼈鼈蛟龍之腹者比比有焉有司名曰烏賊戶賊音但仁宗登極特旨故免時敬公戴卿爲江西行省參知政事俾該管掾史立案令廣東帥府抄貢烏賊戶一籍貫姓名置冊申解他省官曰中書咨文無是恐不必也公曰萬一乃申明舊

典庶不害及良民赤幾太后中使至人咸服公先見之明

重臺

凡婢役於婢者俗謂之重臺按左氏傳昭公五年日之數十故有午時亦當午位自王以下其二爲公其三爲卿注云日中爲王食時爲公平旦爲卿雞鳴爲士夜半爲皂人定爲輿黃昏爲隸日久爲僚晡時爲僕日昳爲臺隅中日出闕不在第尊王公曠其位又昭公七年天有牛日有牛等故王臣公公臣太夫太夫臣士士臣阜阜臣輿輿臣臺則所謂臺者十等之

至車今豈亦本是與然加以重字尤有意

曰子

文選曹公檄吳將校部曲文年月朔日予注發檄時也

輟耕錄卷第十

七

